

金石萃編

金石萃編卷一百三

賜進士出身 誥授光祿大夫刑部右侍郎加七級王昶撰

唐 六十三

李元諒頌

碑連額高一丈五尺五分廣六尺二寸四分三十二
行行六十五字隸書額題大唐鎮國軍隴西節度使
右僕射李公懋功昭德頌二
十字篆書在華州治大門內

大唐潼關鎮國軍隴右節度使檢校尚書右僕射兼御

史大夫華州刺史武康郡王李公懋功昭德頌

并序

中大夫行中書舍人上騎都尉昌平縣開國男張濛

撰

朝散大夫守衛尉少卿淮陽縣開國男韓秀弼書

朝散大夫守宗正寺丞李彝篆額

聖唐九葉

皇帝平內盜攘外夷

中興

口圖以崇口業乃命潼關鎮國軍節度使檢校尚書右
僕射兼御史大夫舉州刺史武康郡王李元諒整兵隴
右分鎮京西 朝野訢以爲宜軍州翕而益重複我

泚罕期在於茲口謂公星辰之精山河之靈或穆英明
爲 國而生者也於是行軍司馬兼御史中丞董叔
經以州人感公救其塗炭荷公拯其瘡厲露表羣言贊
千雲口曰臣聞鼓天下之大節莫先於忠義卻天下之

大難莫出於才能奏勲庸播金石以爲天下表莫盛於
碑版然則

陛下寶臣元諒雄傑英勇沉斷
明謀虎牙之望夙成龍額之封果及武有七德而克用
爲摸文有九功而能舉爲法故輝燭方邵批稗韓彭桓
桓然狗 國之功皆可揭而昌言也

陛下簿符郊甸爰率巴梁虵虺畜而毒生豺狼飽而
害作內吳宮闕黨與譎張何望之墾掘咸林敬釭窺覲
蒲坂同逆相扇傾陷臣州元諒時以散員副戎開鎮無
一壤之土無一旅之衆感憤而發招輯白徒斬賊使於
潼津破賊將於敷谷槩勝連擊遂克口池閭闔載安室

家相慶此其侑

國之功一也勇而重閑以備不虞

創口墉隍是徵板榦環迴褒於脩郭延袤載於通衢異
防馳突之鋒戾室搜牢之掠四封輻湊不震不驚益兇
豎東顧之憂壯義夫西討之勢此其侑 國之功二

也州之口備自咎其空乃剔鑊鼓爲兵撤氍毹爲甲剡
篙操爲弩載簣鞬爲排嚴約誓於五申肅部隊於三令
勞逸斯共甘苦必分德以導其懷刑以齊其力義以啟
其憤口以口其口由是士皆嚮方樂公戰矣此其侑

國之功三也籍馬蒐粟補卒濟師始編簿者二千終
載書者一萬進次昭口稟令於副元帥之軍剡屯口泰

分援於口可孤之口元兇怙衆犯我中營或靡旂而來
或掉鞅而去因其去也霆激飊衝分翼夾馳覆其陣血
聞漣川之水屍膏滿岸之田狡勢遂窮不能復振此其
徇國之功四也蒼茫御苑橫蘊長雲推百堵

而洞開擁三軍而徑入姚令言望旗而潰張光晟弃甲
而奔穀騎爭追若燎于藪賊泚憂迫躬率全軍馳其恟
恟之徒拒我堂堂之衆一鼓而北口死真寧氛祲靡而
黃道清腥穢消而彤庭肅口師章敬都邑晏如迎

大駕復於咸秦還大兵戢於陰騭此其徇國之

功五也李懷光阻河口口口口戈鋌北連絳臺南拒黃

巷選口方之健將保朝邑之離宮

陛下特

詔攻圍重鞠戎旅搃干經畧丕冒口京或倚擊其救兵
或邀絕其餽卒力殫命窒困乃求降未殲當路之豺且
傑吹籬之犬此其徇

國之功六也進屯河縣接邏

關橋雖竹纜已焚而木罌將渡大憖知窘猶懷閔心棄
暗出奇卒於有勝遲明遇伏口物無歸口蹙窮城自絞
中閤三條口口三輔斯寧此其徇

國之功七也戎

羌不道倣擾西階驟掠邠汪突入鹽夏狂其橫猾潺暑
仍留苟不用權若何攘暴迺勵我鷹揚之旅棄其馬瘠
之時張皇軍形口口口逸然後排烽結隊加竈翻營師

未逾於洛源寇已退於河曲此其侑

國之功八也

婪婪蕃虜匿詐求和重違修睦之言用許尋盟之約諸
軍畢會是獨沉疑陳其不誠請以爲備且曰古者諸侯
相見兵衛不撤警也今犬羊反覆未可以端信待之乃
拒平涼二十所里柵爲壁塹口壕設誓師教前之伏修
楚臣勁後之殿練銳三千涉湮式遏旣而升壇將歃果
以惡來聲若河翻勢如山進望我旗鼓驚貽而還禦侮
之道旣靈折衝之威亦著此其侑 國之功九也良
原縣間在涇隴西墜窮邊羅彼煙塵剪爲荊棘

口口經啟密

命興功遂發軔而遽行卽建標而特

起恢其制度峻以規模倭不二旬隱然矗立乃修廬井
乃闢田疇商旅□通□庸偕附烽候交於塞表保障連
於峽□□周築虎牢漢憑馬邑遏于亂畧曾何足云此
其徇 國之功十也 朝廷所以降丕命策高勲

重位以崇之豐爵以榮之歌鍾以樂之邸宅以寧之自
建中以來衛 社稷之臣秉旄鉞之將除宰輔董戎
外其孰能疇□於此哉况明允象賢勤於理要清恕以
康黎獻簡恤以裕公私推信□□敬讓簿九賦勵三農
抑浮竄之風興廉正之教一年而人知禁二年而人知
惠三年而人知美四年而人知誦夫然□安可使林功

昭德沉隱無聞者歟領口舉人蒙之樂石 制曰可

於是耆壽荔非昇古沙門釋僧惠道士游方外口千乃
心萬乃口喜從所欲祈我筆端乃約奏章以纂成績公
本名元光姓略氏武威姑臧人蓋口軒帝孫降屈安息
高陽口口畱宅姑臧僕射元魏之股肱武衛 巨唐

之牙爪在濟其貴公又昌明而弱歲羈孤感於知己口
口口之族從駱統之口口鎮潼關口五年矣旣申武節
克建戎勲 天子以敦淳可親誠明可信更

名錫氏以昭實焉書所謂踐修服猷靈承于寵者矣若
夫按功王府譔德侯家雖馮異口言已傳口於咎歲而

吉甫作頌庶應美於今辰詞曰

洸洸武康兮有虔秉鉞卽戎臨敵兮原火烈烈隊如星
兮陣如雪進如流兮止如戟轉電激兮衝風發壞苑垣
兮復宮闕旣東征兮又西侵鼙鼓雄兮才氣傑滌昏靈
兮掃妖孽河清清兮渭源澈功旣成兮 恩亦結倚

鐵防兮賚金穴口山麓兮敷水瀝惠汪濊兮威稟列度
叱安兮群盜絕舞口口兮歌大耋城宰雲兮營偃月望
麾幢兮想旌節樹豐碑兮頌英哲詞不愧兮勲不滅

貞元五年十月十一日建

明萬歷六年冬十一月二十一日賜進士第華州知

州丹陽石口麟重建

李元諒者駱元光賜姓名也以朱泚之亂能鎮定華州將徙治隴右故華州人感之行軍司馬董叔經請于天子立碑述頌也張濛撰韓秀弼分書秀弼手筆固見君家尙書公麟派而碑頌駱公詞無虛溢并可重也駱公封武康郡王諡莊威舊史不收見新唐書此所謂事增于前者乎

石墨
鑄華

李元諒本安息安氏少養宦官駱奉先冒姓駱名元光驚敢有謀會朱泚之亂能鎮定華州張濛述頌所謂昭德懋功皆實錄也韓秀弼分書當兵戈雲擾碑

復琢磨精工，隆然巋然，不爲苟就，亦足占中興之兆。
萬歷初，碑卧廢，署草間人多歲其土。永昌石公元麟
來守華州，移置郡衙。

金石史

舊唐書李元諒傳：元諒本名駱元光，嘗在潼關領軍，
積十數年，軍士皆畏服。德宗居奉天，賊泚遣僞將何
望之輕騎襲華州刺史董晉，奔州走望之，遂據城。將
聚兵以絕東道。元諒自潼關將所部乘其未設備，徑
攻望之，遂拔華州。望之走歸元諒，乃修城隍，降械召
募，不數日得兵萬餘人，軍益振。以功加御史中丞、賊
泚數遣兵來寇，輒擊却之。遷華州刺史兼御史大夫。

潼關防禦鎮國軍節度使與副元帥李晟進收京邑
力戰壞苑垣而入遂復京師賜姓李改名元諒官終

隴右節度使

金石文
字記

碑序元諒徇國之功十皆隱約其詞與舊書合彬彬
郁郁有初唐風新書云贈司空諡莊威碑不之及豈
立于元諒未卒時耶舊書初加檢校工部尚書新書

實封五百戶皆碑所遺

金石
後錄

元諒本姓安氏出自武衛大將軍興貴文稱武衛巨
唐之爪牙者卽此元諒爲潼關鎮國軍隴右節度使
檢校尚書右僕射唐書以爲檢校尚書左僕射者非

也文中云陛下薄狩郊甸爰幸巴梁何望之壑掘咸
林敬釭窺覩蒲坂者謂德宗幸奉天朱泚將何望之
等襲華州刺史董晉弃城走元諒自潼關引兵援其
城是也云進次昭應稟命于副元帥之軍列屯光泰
分援于尚可孤之壘者謂尚可孤以襄鄧兵五千次
藍田元諒屯昭應賊兵不能踰渭是也時李晟爲京
畿渭北商華兵馬副元帥云姚令言望旗而潰張光
晟弃甲而奔賊泚憂窮竄死眞寧者謂賊將姚令言
與晟兵遇十關皆北張光晟以精兵壁九曲距東渭
橋密與晟約降泚引殘軍西走至寧州爲朱惟孝等

所斬是也時元諒與渾瑊尙可孤等皆從戍軍云李
懷光阻河距命陛下特詔攻圍重鞠戎旅者謂懷光
反元諒與馬燧渾瑊韓游瓌等進討也懷光將徐廷
光素易元諒侮斥其祖父元諒與游瓌約卽日斬之
所稱才殲當道之豺且蹠吠籬之犬者應指此云藩
戎匿詐求和諸軍畢會是獨沉疑陳其不誠請以爲
備者謂吐蕃請盟詔元諒軍潘原韓游瓌軍洛口援
渾瑊會平涼盟吐蕃劫盟事也云距平涼二十里所
柵爲壁塹爲壕設晉師敖前之伏修楚臣勁後之殿
皆與史本傳合此貞元三年事也蓋更隴右節度卽

在其時云依其制度峻以規模役不二旬隱然岳立
乃修廬井乃闢田疇者則元諒修治良原墮堞闢田
數十里使士卒墾治諸事水經注曰河水自潼關東
北流水側有長坂謂之黃巷坂潘岳西征賦溯黃巷
以濟潼今二書巷皆作卷此云北連繹臺南抵黃巷
可以証其誤矣碑在華者華人思其功請于朝故作
此頌也 文苑英華有任華送李彝宰新都序云宗
室後進有以學術辭藻著稱者彝也少好學通九流
百家之言善屬文有大節召試西掖與莊若訥高郢
同入高等執政以彝大人在蜀故授新都以榮之

文內有行軍司馬董叔經攷唐書藝文志博經一卷
貞元中董叔經上墨池編云唐開汾河記董叔經書
卽此人

關中金
石記

姜嫄公劉廟碑

碑連額高七尺二寸廣三尺二寸一分二十八
行行四十九字行書篆額在邠州城南本廟內

姜嫄公劉新廟碑

太中大夫行中書舍人上輕車都尉賜紫金魚袋高
郢撰

節度巡官將仕郎試大理評事張誼書

處士張瑄篆額

姜嫄者炎帝之後有邠氏之女姓姜字嫄帝嚳之元妃
后稷之母也公劉者后稷之曾孫周文王之十代祖也
姜嫄嘗出遊見距跡而履之載震載夙時維后稷以居
然生子心所不康初寘之隘巷再寘之平林三寘之寒
冰皆有以全度者旣而收之遂名之棄生有赫靈之異
長有躬稼之勤法施於人以濟粒食堯乃命爲農師而
封諸邠農師實后稷也古初造物首出羣理事必口之
本言必天地之際當虞舜之時稱禹平水土埤布五教
稷播百穀咎繇明五刑地平天成萬代永賴舜以奮庸
命禹禹讓于稷皋繇及以元后命禹禹獨讓于咎繇

曰朕德罔克人不依咎繇邁種德德乃降黎人懷之茲
大禹所以言天意永命之所歸也夏有天下載祀四百
禹之祚也商有天下載祀六百桀之祚也周有天下載
祀八百稷之祚也自時厥後百王燒季而咎繇口積累
在天天祚永歸有所底止乃以無疆之體命

我聖唐盛德大業与天地准追視三代猶指掌矣昔
者周口文武之烈本於后稷后稷之生本於姜嫄故詩
曰厥初生人時維姜嫄后稷之子曰不窋失官而奔於
戎狄不窋之孫曰公劉口口於豳居以平西戎以篤前
烈故詩曰篤公劉于邠斯館是知姜嫄有德於周公劉

有德於幽先賢所出立祠舊矣

我國家稱

秩元祀咸秩無文山川鬼神亦莫不寧而姜嫄公劉之廟舊制卑陋湫隘在市非所以崇明祀敬鬼神也貞元四口口口邠寧節度觀察使檢校刑部尚書兼御史大夫朗寧郡王張公獻甫戎醜是膺授鉞而至肅肅

王命維公將之烈烈征師維公成之略地千里亭鄣嚴於外啟行一戰弓矢棄於內卒乘睦而知禮風俗康而狎野覩此二廟獨爲匪安公曰嘻精潔莫重於明神喧譁其甚於市廛奈何雜處乎夫小人者知鼓舞之事神而不知藝狎之慢神知事神之求祐而不知慢神之

賈禍茂草一去遺塵萬祀使口而無知則已若曰有知而喧囂瀆易之俾中夫札瘥天昏之患者得非長吏慈惠之不足耶乃以不忍人之心行不忍人之政且爲神口旣而卜遷粵以貞元六年十一月九日作新廟於南郭焉地則郊野之閑左水右山有清謐之勝材則林遷之至上棟下宇非微斂之煩口則農務之隙量功命日無妨奪之弊移嘉木而樹之考良辰而落之神於是嚴威而錫乎所處人於是祇惕而遠乎所瀆是惠人於無過之地而寧神於不怒之境仁爲己任不亦厚乎夫神聰明正直者也唯忠肅恭懿乃能承之順此而祭不必

多品故雖澗谿之毛口汙之水而君子率是四德陳於
二簋行之以禮奉之以馨潔之以齋達之以和則神可
得而事焉祐可得而致焉夫子曰丘禱久矣抑爲□□
尙書張公以文武之憲純一之良知無不爲忠也正色
卽下肅也執事有恪恭也擇善而從懿也自先幽州大
夫以來一門四人口口口方繼踵勲績爲時心膺
所資非他忠肅恭懿而已用能承天之寵

獲神之勞以屏

王室以揚家聲也宜哉祠成三

歲矣而銘記尙闕將恐寤遠失其所由乃陳梗槩爰此
刊刻辭曰

何賢乎姜嫄曰克生后稷何賢乎后稷曰克降農殖后
稷之道至今賴之姜嫄之德如何勿思何賢乎公劉曰
肇宅豳土何口口豳土曰平戎之所乃今乃古有廟有
宇宇亦既卑廟亦既摧闕闕朝合臨塵幕開蚩蚩羣
胥胥徘徊瀆禮非敬犯神有災朗寧戾止理化咸集財
豐衆和暴禁兵戢惟此墻屋公私必葺矧伊明祠風雨
所及是度是築乃遷乃立奉我皇德達于有神

揚神之威靜乎虜塵亦惟正直克贊忠純勒銘
茲庭永示邑人

節度判官殿中侍御史韋丹建立

廟在今邠州城南邠寧節度觀察使張獻甫所遷故

當時稱曰新廟而高郢爲文予背以尙書郎出使寧

夏道邠謁廟其後稍上有履迹平爾雅大野曰平俗作坪非乃姜

嫄履巨人迹所在予爲大書履迹平三字俾州官刻

寘廟側蓋州人但知有廟而少知乎此故表而出之

金蓮
淋瀝

郢事李懷光能引譬忠義不爲勢屈卓然名臣獨爲

相時不能制王叔文輩耳文尤允弱殊無足稱張誼

于書家不甚著此書不及王籍而畧似柳公權亦足

存也石墨
第華

碑云姜嫄嘗出遊見跡而履之按毛公註生民詩履
帝武敏歆之句曰帝高辛氏之帝也敏疾也從于帝
而見于天將事齊敏也以爲從高辛氏郊禘求子而
生后稷其說本自明白至鄭氏箋云帝上帝也敏拇
也祀郊禘時有大人之跡姜嫄履之足不能滿其拇
指之處心體歆歆然如有人道感已遂有身而生子
說殊怪誕益出于司馬子長本紀歐陽公謂稷契非
高辛之子毛公于史記既不取其履足之怪而取其
訛謬之世次第毛公趙人爲河間獻王博士在司馬
子長之前數十年未必見史記世次而世次之說出

于世本其書在宋時已亡矣朱紫陽幽風集註云后稷生不窋不窋生鞠陶鞠陶生公劉而史記止云不窋卒子鞠立鞠卒子公劉立無下陶字集註云自公劉居幽後十世而太王徙居岐山之陽十二世而文王始受命與史記合而此碑云公劉者周文王之十代祖也未知何據

金石後

唐書稱獻甫從渾瑊討朱泚累遷至金吾將軍檢校工部尚書不及刑部爲邠寧後加檢校尚書左僕射不及封邠寧郡王並史之缺誤當從碑爲是

關中金石記

獻甫封朗寧郡王新舊史俱失載李氏自言出於伯

陽而伯陽爲庭堅之裔故天寶初尊咎繇爲德明皇
帝此碑敘三代承禹稷契之祚而咎繇積累在天天
命乃歸於唐蓋以此也都元敬金薤琳瑯嘗載其文
石今已損失三十餘字前兩行空處攬入明人范文

光題石

潛研堂金石文跋尾

德宗紀貞元四年九月庚申吐蕃寇寧州邠寧節度
使張獻甫敗之今碑所載戎醜是膺授鉞而至是其
事也碑後云自先幽州大夫以來一門四人幽州張
守珪也四人者則獻誠獻恭及煦與獻甫當時伐閔
之盛若此可謂濟美矣

授堂金石跋

按陝西通志姜嫄祠在邠州城外太王祠右唐節

度張獻

通志
誤意

甫建卽此廟也通志又引名山藏云

洪武十八年八月載邠州姜嫄公劉之廟於祀典則自唐以後及明以前皆不列祀典矣此碑撰文者高郢書者張誼篆額者張道新唐書傳高郢字公楚衛州人李懷光引佐邠寧府懷光誅李晟表其忠馬燧奏管書記召拜主客員外郎遷中書舍人碑卽書于此時張誼張道無傳立碑者韋丹新傳云丹字文明京兆萬年人蚤孤從外祖顏真卿學擢明經歷官咸陽尉張獻甫表佐邠寧幕府順

宗爲太子以殿中侍御史召爲舍人其立此碑在
召爲舍人之前佐邢寧幕府時也碑云姜嫄者姓
姜名嫄說文云周棄母字也史記嫄作原周本紀
云有郃說文作台氏女曰姜原注引韓詩章句曰姜姓
原字或曰姜原諡號也梁玉繩人表攷謂原本作
嫄生民傳箋姜姓嫄名史記集解謂嫄是字及諡
號者非諸說互異如此乾隆四十九年逆回滋擾
昶督兵過邠親至此廟此碑尙存而廟甚頽廢安
得有如張獻甫其人者爲之塗墍耶

李抱真德政碑

碑高一丈四尺廣七尺四寸二十八行行五十四字行書在長治縣

口義軍節度支度營田兼澤潞磁邢洺等州觀察處置
等使光祿大夫檢校司空同中書門下平章事兼潞州
大都督府長史上柱國義陽郡王李公德政碑銘并序

銀青光祿大夫守門下侍郎 口口門下平章事上

柱國隴西縣開國伯董晉奉 勅撰

銀青光祿大夫守戶部尚書口度支及諸道鹽鐵轉
運等副使上柱國扶風郡開國公班宏奉 勅書

朝散大夫守口口府長口口陽縣開國男韓秀弼奉

勅篆額

唐口元臣曰義陽郡王抱真字口口

皇開

府儀同三司涼州都督河蘭鄯廓瓜沙甘肅九州大掾
管中國公循仁之元孫開府儀同三司左武衛大將軍
永之曾孫口兵部尚書懷恪之孫贈太子太保齊管之
子蓄河岳之秀業祖考之慶克生鴻才以佐

元后殊勲茂績可得而稱也公體口執口抱素專直威
厲霜雪氣凌雲霓沉毅足以建功寬裕足以安衆召公
相武之口申伯翊宣之口尚父六韜之奇夷吾九合之
業口口冠公皆口之口口從父兄故相國抱玉所重
期以遠大薦于

肅宗授汾州別駕僕固

懷恩之平史□也伐□□之功□□□□□□□□
□□□□□潛懷異圖□髮衝□冠憤激忠□間道□
闕潰其□□而□□疾顛汾潁庶定□□□
□□□□□□□□拜殿中少監□□□□兼御史中
丞□陳鄭懷澤潞等五州節度□□
思光荐及
輝□□□□不□□思有陳讓
□□

□□澤州刺史兼侍御史充節度副使□內五州都團
練使澤人欣欣如戴父母公虔奉
聖旨

專精吏職一年而流□□□□□二年而軍給人集風
淳俗乂時屬散卒聚鍾鼓□肆其猖狂□以驅□議者

請兵逐之公謂之曰□□稟元和以生奉五常以□□
不□順無不懼逆理亂之道□之于政政□則□□興
仁義著政□則刑罰滋盜賊起使其叛亂是德之不脩
也始務□□豈可加兵乃□□禍福□門□□開泰之
□□□□□□□□巖□□勞□等□風裁揚遂遷懷州
刺史澤人□思之□□□□懷人來蘇之慶需若膏
□□政未幾懷如澤焉

天子寵文翁之

能旌龔遂之美以節使司徒公□□于西乃授檢校祕
書□兼侍御史權知行軍司馬□澤潞節度支度營田
觀察處置使留後仍知潞州大都督府事公以

殊恩倚任留務□□□化源獨□心計乃約故實
□□□□□安物□□□養農省徭以息孤惻均
調以資士卒孝悌聞於鄉黨學校興於里閭刑戮廢於
□□鞭朴弛於官署閭境之內不日□而化□建中元
年特授節制并廉察本道兼領潞州大都督府長史練
勤王之師修守土之備內勸耕食外□武□布

大君之誠以睦藩□導

□□之化以釋危

疑由是

上澤得以下流下情得以上達

君臣無間致于太和公之力也屬軍戎之後蠹早
□灾公請□神祇變□于日精感而飛蝗越境誠懇而

零雨應期稼穡獲全異於他部古之循吏何以加焉公
前後歷官以十八政再爲侍御史中丞尚書常侍三領
郡守一登亞相兩踐端揆封義陽郡王食實封六百戶

命爲永弼同平章事俾平水土兼領司空量宏
而深口達而朗常執口口口口口口不求援而取貴口題輿
登補哀簡自 皇口爵爲元臣非德及蒼生

忠貫白日口何以臻此路之繼黃耆口諄

闕

陳請頒勒貞石

帝嘉乃誠

詔

門下侍郎平章事董晉撰文以昭其功銘曰

皇矣

上帝降祚

有唐蘊粹孕靈克生

義陽明明

天子賢能是將乃

命

義陽鎮于上口烈烈義陽惟國之楨口若口口隱如
長城用極于正性根于忠英風外馳明謨內融

王度克遵惠此罷人以德代刑散澆爲淳軍以威口
兇口口懾恢振皇綱輔弼天

業

帝曰抱真允文允武俾登鼎鉉錫之

茅土名高方召道冠申甫刊石紀功用駕終古

監工上黨縣口郭口仁

有元至正五年冬至日奉議大夫潞州知州張堃仙
佈化得斯斷碑於岱嶽廟瓦礫中重建於此故記之

耳

右李抱真德政碑攷新舊唐書地理志五代職方攷
磁州字無从心者此碑磁字點畫分明又天祐十一
年澤州開元寺神鐘記亦作此磁字州縣之名當從
其時本稱史臣秉筆任意更易非得石刻何由決其
然否此金石之有益於史學也

清研堂金石文跋尾

按此碑無歲月金石錄系于貞元九年云有碑陰
行書今失搨也碑爲董晉撰班宏書韓秀弼篆額
而皆云奉勅文亦云帝嘉乃誠詔門下侍郎平章
事董晉撰文以昭其功而兩唐書德宗紀及李抱

真傳皆不書其事舊唐書德宗紀貞元十年正月
己亥昭義節度使檢校司空平章事李抱真請降
官乃授檢校左僕射六月壬寅李抱真卒舊傳亦
云十年六月卒新書本紀不書抱真卒本傳不書
卒年而于宰相表則誤書卒于九年此碑所紀皆
抱真未卒以前之語則金石錄以爲九年當必有
據也撰文者董晉字混成河中盧鄉人結銜爲門
下平章事宰相表載其罷相爲禮部尙書在九年
五月本紀同碑不署禮部尙書官可知其撰文在九
年五月以前矣書碑者班宏衛州汲人傳載貞元

八年以宏專判度支使而無守戶部尙書之官碑
書扶風郡公傳所未及其卒也在八年七月据此
則書碑又在八年七月以前矣今不能確定姑從
金石錄附于九年篆額者韓秀弼與秀實秀榮兄
弟並以八分擅名諸書皆無可攷此碑署銜曰朝
散大夫口口府長口口陽縣開國男据廣德二年
書臧希晏碑題曰朝議郎守衛尉少卿淮陽縣開
國男則此所泐封縣乃淮陽也墨池編載其所書
有元待聘碑李齊物碑鄭叔清碑裴曠改葬碑李
元亮功德頌李晟先廟碑而不及此碑之篆額則

此碑久不傳於世矣抱真碑泐其字新書傳云字
太元碑載其高祖修仁曾祖永祖懷恪父齊管皆
無傳所載抱真歷官兩書稍畧惟新傳云繇倪國
公進義陽郡王碑則畧其公爵傳又稱抱真自貞
元初朝京師還鎮會天下無事乃好方士有孫季
長爲治丹因讓司空還爲左僕射餌丹二萬三千
丸而卒讓司空是貞元十年正月事此碑尙是在
潞鎮時所立也

張敬誅墓誌銘

石高廣一尺六寸六分十九
行行二十一字正書在洛陽

唐故鴻臚少卿□□□君墓誌銘

并序

鄉貢進士河東薛長儒撰

張氏之先運籌博物風靡萬代公其裏焉公諱敬詵馮
翊同川人也 皇朝左金吾衛大將軍太常卿元長府
君之孫 皇朝中散大夫撫州長史崇議府君之次子
公禮度清曠育德含章蘊燕樂佐理之謀歆懷吳周匡
弼之骨梗弓裘不墜文武攸稱清貫克序加朝請大夫
以博雅周才授鴻臚少卿以公忠推德錫金章紫綬東
都副留守河南尹裴公謂命公爲狎衛奉上以忠貞撫
下以信義休聲遐著察友欽之方申呂父之榮遽染劉

貞之疾以貞元十年八月廿三日卒於洛陽縣永泰里之私第春秋六十八以其年九月廿四日窆於漚澗之陽邱山之新塋禮也。縣子三人曰鼎重鼎威鼎齊皆年始能言昂昂逸足有女五人長女從緇隸寧剎寺次歸杜氏三女歸王氏兩女尙幼夫人樊氏淋順傳芳霜明勁節移天墜翼同穴後時哭不絕聲撫孤增慟永懷陵谷爰託松銘其詞云

神理茫茫兮微明忽幽人廿營營兮生勞死休更相泣送兮萬古千秋隴樹白楊兮悲風颼颼

碑云窆於漚澗之陽邱山之新塋蓋以鴻臚少卿爲

河南尹裴諤命爲押衙卒而葬于洛陽也

中州金石記

張君有夫人合葬墓誌銘書其上世及此君占籍歷官名字皆互異此誌稱東都副留守河南尹裴公諤命公爲押衙以時攷之謂晉公也

授堂金石跋

按張敬誥及其祖元長父崇讓兩唐書皆無傳誌

云東都副留守河南尹裴公諤

句

命公爲押衙舊

唐書裴諤傳諤字士明河南洛陽人天寶間舉明

經補河南府叅軍丁父喪居東都祿山陷二京東

都收復遷太子司議郎未嘗爲東都副留守河南

尹授堂乃以諤字爲諤字以裴公爲晉公是卽裴

度也兩唐書裴度傳度係貞元五年舉進士其歷
官亦未嘗爲東都副留守河南尹斷非碑所指之
裴公則或仍是裴諤而官有碑傳不同耳誌載子
三人女五人長者從緇是出家爲尼也次皆著其
所適族較他志爲詳

諸葛武侯新廟碑

碑高六尺八寸二分廣四尺二寸三分
二十三行行三十七字正書在河縣

蜀丞相諸葛忠武侯新廟碑銘

并序

山南西道節度行軍司馬檢校尚書刑部員外郎

口御口沈迥撰

節度推官將仕郎試太常寺協律郎元錫書

皇帝御極貞元三祀時乘盛秋

府王左僕射馮翊

嚴口惣帥文武將佐泊蒙口突歸之旅疆理西鄙營軍
汙陽先聲馳於種落伐謀息其狂狡于時威武震疊虜
騎收跡塞垣蕭條烽燿滅焰土無保障之役馬無服轂
之勞重關弛擐邊穀棲野我師惟揚則有餘力乃昇高
訪古周覽原隰修敬茲廟式薦馨香光靈若存年祀浸
遠雖簫鼓曲奏邑里祈禳而風雨飄颻祠堂落搆土階
微數尺之崇庭除無袤丈之隙登降不能成禮牲玉不
得備陳頽墉露肩灌木翳景樵蘇耳往麋鹿走集

馮翊曰丞相以命世全德功存季漢遺風餘烈顯赫南方丘壠口山實在茲地荒祠偏倚廟貌詭製非所以式先賢崇祀典也乃發泉府徵役徒撤編管薙藂薄是營是葺衆工籌至繚以高墉隔閤芻牧增以峻宇昭示威神英英昔賢像設如在翼翼新廟日至而畢顧謂小子揚摧前烈銘于廟門曰在昔君臣合德興造功業有若伊尹相湯呂望興周夷吾霸齊樂毅昌燕是八君子皆風雲元感垂裕來世嘗以爲阿衡則尊立聖主天下樂推尙父則止讐口口諸侯同舉管氏籍強齊之力宗周無令王樂生因建國之資燕昭爲奧主君臣同道僅能

成功惟武侯遭時昏亂羣雄競起高光之澤已竭桓靈之虐在人遇先主之短促值曹魏之雄富能以區區一州介在山谷駢羸卒輔孱主衝擊中原撐拒強敵論時則辛癸惡稔語地則燕齊勢勝遷夏殷者未可校功霸桓昭者不足侔力向使天假之年理兵渭汭其將席卷西邑底綏東周祀漢配天不失舊物矣洪伐彰彰宜糾今古倬軼前烈其誰曰不然武侯名跡存乎國志今之口書姑務統論大畧敘我新意至於備載爵位追述史傳非作者之意也今則不書其銘曰

桓靈濟虐雲海橫流羣雄崛起毒蠱九州天旣厭漢人

思代劉涕渭交爭存亾之秋其誰存之時惟武侯伊昔
武侯跪足南陽退藏於密不曜其光有時有君將排垢
氛魚脫溪泉龍躍風雲先主續緒天下三分馥馥德馨
悠悠清塵前哲 後口心跡暗口建茲新廟式是梁
珉

大唐貞元十一年歲在乙亥正月庚午朔十九日戊
子建

是碑今已改鑿甚多如蒙煙曲磨等字皆從明揭本
校正止讎下舊本已泐今作獨夫二字不可從

竹庵
金

石目
錄

文稱貞元三年府王左僕射馮翊總帥者謂舒王謨
爲荆襄江西沔鄂節度諸軍行營兵馬都元帥也錫
字君貺見世系表

關中金
石記

按諸葛武侯廟在漢中府寧羌州沔縣東五里三
國蜀志諸葛亮傳亮疾病卒遺命葬漢中定軍山
因山爲墳景耀六年春詔爲亮立廟于沔陽裴
注引襄陽記曰亮初亡所在各求爲立廟朝議以
禮秩不聽百姓遂因時節私祭之于道陌上言事
者或以爲可聽立廟于成都後主不從步兵校尉
習隆中書郎向充等共上表曰亮德範遐邇勲蓋

季世蒸嘗止于私門廟像闕而莫立使百姓巷祭
戎夷野祀非所以存德念功述追在昔者也今若
盡順民心則瀆而無興建之京師又偏宗廟臣愚
以爲宜因近其墓立之于河陽于是從之此卽舊
廟也碑不詳新廟所在漢中府志載諸葛武侯墓
在河縣南十里定軍山下水經注河縣故城南對
定軍山諸葛亮之死也遺令葬于其山舊廟卽在
墓前今廟在城南五里是距舊廟五里也此碑撰
文者沈迥書者元錫兩唐書俱無傳唐書宰相世
系表錫爲司儀郎延祚之曾孫綿州長史平叔之

孫吏部員外郎挹之子錫字君貺與宰相元稹同
系表祇載其官淄王傅而此碑結銜乃爲節度推
官將仕郎試太常寺協律郎又据韓文考異衢州

徐偃王廟碑韓愈撰福州刺史元錫書

集古錄廣
川書跋並

作徐放書韓文
考異作元錫

是錫又嘗官福州刺史矣碑云府

王左僕射馮翊嚴口驪理西鄙營軍沔陽嚴下泐

一字陝西通志云唐貞元十一年左僕射嚴武增

修有記卽謂是碑則所泐者乃武字也武爲挺之

之子兩唐書傳稱挺之爲華陰人嚴氏有馮翊華

陰二望碑稱馮翊者舉其舊望也惟碑有左僕射

之官兩書嚴武傳所無且舊傳稱武卒于永泰元

年

杜工部年譜未同

不應貞元三年嚴武尙在是陝西通

志與碑不合關中金石記定爲舒王謨唐書宗室傳舒王誼初名謨昭靖太子子德宗愛其幼取爲第二子其爲沔鄂節度在李希烈反之時正貞元三年事宜乎合矣而亦未嘗有左僕射之官且與馮翊嚴口義亦無着希烈之亂在淮蔡舒王謨爲節度在沔鄂卽今湖北漢陽府沔陽州非陝西漢中府之沔縣則關中金石記亦不確也碑敘伊尹呂望夷吾樂毅只四人而云八君子亦不可曉

會善寺戒壇記

碑高三尺八寸三分廣二尺九寸四分十六行行二十八字篆書在登封

嵩山會善寺戒壇記

汝州刺史兼御史中丞陸長源撰

河南陸郢書并篆額

嵩高得天下之中也所謂名山福地異人靈跡往往而有漢晉間高僧植貝多子於西峯一季三花因爲浮圖遂爲寰中之真境又有兩阜中斷豁爲石門飛流縈回以噴薄喬木森竦以布護先是有高僧元同律師一行禪師鏊林崖之歌傾填乳竇之竊窳瓊玉立殿結瓊構

廊栴檀爲香林琉璃爲寶地遂置五口正思惟戒壇思
惟者以佛在貝多樹下思惟因名貝多爲思惟口三花
之義在此自河洛口塵塔廟崩磽上都安國寺臨壇大
德乘如情慈業廣秉律道尊志度有緣聖庇群動慨茲
堙墜遂爲聞口尋有詔申命安國寺上

座藏用聖善寺大德行嚴會善寺大德靈珣惠海等住
持每季建方等道場四時講律藏用上人逸口徧尋高
情口邁美殿塔之嚴麗賞泉石之勝絕其跡不朽其教
益廣於是鍾梵相聞幡蓋交蔭豈獨鑪峯名巒空記遠
公之行沃洲精舍重述道林之跡時貞元十一祀龍集

乙亥大火西流之月也

填關大德張空 道習 了真 道覺

登封縣令徐暈

寺主懷資 都維那明口 前都維那幽蘭

農楊誠刻

在會善寺戒壇汝州刺史兼御史中丞陸長源撰河
南陸郢書按袁宏道遊嵩紀稱其隸法道逸今觀其
書雖遜潘瓘然筆頗秀健陶宗儀書史會要亦稱郢
善書詳見趙明誠金石錄

說

寶刻類編及味長文墨池編俱有此碑碑云漢晉間

有高僧植貝多于西峯一年三花因爲浮圖按太平
寰宇記引嵩高山記云漢有道士從外國將貝多子
來於嵩岳四脚下種之并立浮圖今有四樹與衆木
有異一年花白色其香甚佳與碑云高僧不合蓋傳
聞異詞也陸長源新唐書有傳

中州金石記

碑首行陸長源列銜有云汝州刺史兼御史中丞考
之新唐書本傳惟由汝州刺史爲汴行軍司馬昌黎
集董晉行狀貞元十二年八月上命汝州刺史陸長
源爲御史大夫行軍司馬今長源作記當貞元十一
年已稱兼御史中丞然則入汴時長源蓋由中丞復

進爲大夫而史皆缺不載其後題年月乃云貞元十
一祀龍集乙亥大火西流之月變年爲祀而猶書龍
集乙亥皆依古爲文長源好奇如是

授堂金
石跋

按碑爲陸長源撰陸郢書并篆額長源字泳祖吳
人其爲汝州刺史新唐書本傳不著何年舊傳則
在貞元十二年之前此碑立于十一年其時正在
汝州也書史會要稱其善書歐公集又載其官汝
州時以殷仲容書流杯亭侍宴詩絕代之寶乃爲
之造亭立碑自記其事於碑陰此則長源在汝之
軼事也陸郢無傳碑載貝多子一年三花爲漢晉

間高僧所植嵩高山記則云漢有道士從外國將來王子年拾遺記則云少室山有貝多樹俗云漢世野人將子種于此是高僧道士野人所傳不同皆僧之稱謂也又齊民要術引嵩山記云嵩高寺中忽有思維樹卽貝多也一年三花以貝多爲思維樹語與碑合而云忽有則不言栽植之人又與諸說異矣一行禪師見舊唐書方技傳初一行求訪師資以窮大衍至天台山國濟寺國濟誤當作國清聞院僧於庭布算聲而謂其徒曰今日當有弟子自遠來吾算法已合到門一行承其言而趨入稽首

請法盡受其術武三思慕其學行就請與結交一行逃匿以避之尋出家爲僧隱于嵩山師事沙門普寂碑所云鍊林崖之歆傾填乳竇之幽窅者卽此時事也建碑在七月而云大火西流與他碑別

鹽池靈慶公碑

碑高七尺八寸八分廣三尺八寸四分
二十五行行五十一字正書在安邑縣

大唐河東鹽池靈慶公神祠碑

并序

將仕郎太常博士崔敖撰

將仕郎前試大理評事韋縱書并篆額

地絡之紀莫宗於河陰潛之功允啟于匪旣畧太華浸

活中祿嶽瀆宣精融爲巨滯鑒有元命靈珪告成惟其
潤下乃生爲鹵鹽池之數有九七在鹵朔二陂河東皇
穹陰隲兆人眷祐中土因飲食以致其味節和齊以調
其心溟溟天池寔曰鹽澤幅圓百里澄澈萬頃元極積
數太鹹爲鹺其墟實沉其宿畢昂其漕砥柱其關嶺幹
后祇寶之設以重險謙順成量潤溪攸鍾涵風蓄雷終
古不息湧若山外連爲海門所以帝乙建社而臨之王
約遷都而據之執其重輕以耀富有在晉山澤委于虞
衡周制無征漢方盡幹務其尊稽蓋用抑南少府所以
均其權量群族自占築鹽環之業傳祖考田有上下旱

理其埤水營其高五夫爲塍塍有渠十井爲溝溝有路
泉之爲畦畦之爲門漬以渾流灌以殊源陰陽相蒸清
濯相孕動物潛爲蠢爲陶工溜乎而凝莫見其朕雪野
霜地積如連山羨湧區域歸于塗潦泉貨之廣沒於齊
人 皇家不賦百三十載 聖宗御國五

十季姦生剗丘燿火通鑄

嗣聖受命以兵靜

之擊鼓嶠洛封屍燕趙却獫狁圻絕漠羣昆夷圻窮荒
重其 宸威風動八極調發之費仰於有司雖田
征益加而軍實不足遂收鹽鐵之筭置權酤之官以權
合經以貨聚衆畫野標禁塹川爲壕西籠解梁左繚安

邑乃滌塲園乃完庖倉畢其陽功以謹秋備度土定食
止於中州濟圻橫汾爰距隴坂東下京鄭而拓于宛艘
連其檣輦擊其轂終歲所入二百千萬供塞垣盡敵之
賞減天下太半之租然後傳圻甸人納圻醯人有形有
散以宴以祀每仲夏初吉爲墀而饗之懿夫明徵厥有
前誌
中宗反政崇朝而復鹹大歷窮霖巨漲
而不淡誠宜命秩視彼封君

先皇帝薦靈慶

以彌神索氤氲而建廟拖諸侯之法服鏘泮懸之清樂
籍二郡之版六百粦圻司泚故得浮榮允結顙氣冲其
德正其味粒重英以表稔花四出而呈瑞陳陳相因非

柿載可能計矣貞元九年冬

天子親祀

明堂大裘而

郊孝道昇聞百蠻頓首粟帛之資及

於纁卬庶政惟和逮于遐逾戶部尙書裴公延齡興三
境之差口九州之賦鐵鼓之貢林鹽之饒凡晉人是輸
以河中爲會府遂表職方郎中兼侍御史馮公口推其
全材委以大計詔曰俞興往哉汝諧乃駐車蒲城以馭
羣吏分命前永樂縣丞張巨源前鄭縣丞蕭曾率屬而
臨之洎十一季秋九月裴公薨今戶部侍郎蘇公弁繼
之以馮公成績有問繼任如舊度支又以前詹事府司
直陸位知解縣池前大理評事韋縱知安邑池惟職方

領地官之外權惟評直守制使之成算姦氣不作阜財
有經十三季四月五日兩池官吏及畦戶等請勒豐碑
揚茲利澤感和羹之訓心遊傳氏之巖稽近臨之詞氣
對郇瑕之邑微臣作頌式贊新宮頌曰

浩浩靈池冠于水行蒼茫太陰溱澣純精惟澤在口与
時爲程禍貪而竭福儉而盈 巨唐君臨坤順乳

貞冥勤其官坎德効靈海眼通波河源伏脉千里一氣
渚爲廣斥雲漢照臨玉繩下直曰雨曰風以凝以積自
我天產惟其口食斯皇 元后乃聖乃神既絜

浮沉亦修明禋大禮畢舉大樂畢陳焉公負來克諸神

人登牲廟塽座幣池瀕旣醉旣飽馮公則欣蕭張行優
陸韋德隣有口有屬伊馮之賓仰彼鹽造垂於無垠

皇運天長頌聲日新

貞元十三年歲次丁丑八月甲寅廿日癸酉建

碑陰

高廣與碑同三層書上記二十九行行十八字
中下皆人名中七行下十四行行字不等行書

靈慶公神堂碑陰記

五老山人劉宇撰并書

天作口極神將宅焉神者何靈化之真宰者也夫神之
侑落寔日監宗閭閭禱之不在祀典

元皇朝有

元老韓公滉之物惣邦賦以大賦之功康濟是博上以供

宗廟之費下以代田野之租昇聞于天請加

禮秩

帝曰可於是冊爲靈慶公俎豆之數視於

淮濟享謁之期載在口府及故東都留守禮部尙書

崔公縱頃知河中院以神之舊宮僻在幽阻旣崇其禮

宜敞腴居是用遷置于斯乃飭殿堂開像設面翫淪之

積水跨遷迤之重崗陰陰森森容衛畢備列卒在戟儼

然如生雖水府靈居未之若也今臧方郎中兼侍御史

馮公興纂其是職推致信讓無小無大報之以德頃以

天人不雨草木無輝農夫愁怨慮失其歲職方於是齊

心累辰親執牲帛將至誠之德告靈化之源嘗不崇朝而雨斯足如是者數四是則人有德於神神亦有德於人德交歸焉政是用長宜其建石表異徵文紀靈是以有太常博士崔君之頌也逮夫石自他山而至文自奉常而來知解縣池詹事府司直陸位事以道自集商以仁自來知安邑池大理評事韋縱財以清自豐吏以明自肅此二君者以爲職方之精意可達於明神如之何不奉矣乃相與就其磨礱覆以棟宇自朔及望揭焉而舉洪範曰潤下作醜夫敘讚靈慶公陰潛之功亦所以表

聖皇澤及於萬姓者也恐其頌或有關乃命

山客重紀於碑陰

貞元十三年七月二日記

戶部侍郎判度支蘇弁

專知度支河中院朝散大夫檢校尚書職方郎中兼
侍御史上柱賜緋魚袋馮興

專知度支解縣池宜義郎前守絳州龍門縣令賜緋
魚袋楊震

專知度支安邑池將仕郎前試大理評事韋縱

度支河中院巡官奉義郎前京兆府昭應縣主簿班
遇

度支河中院巡官宣義郎前行舉州下封縣尉崔震
兩池都巡檢官宣德郎前行同州郃陽縣尉楊耒興
鹽口勘會官將仕郎前行守絳州萬泉縣主簿崔季常
方集勘會官儒林郎前行晉州神山縣尉崔士衡
鹽宗勘會官朝散郎前行廬州舒城縣尉張佑
東郭勘會官宣德郎前行寧州司田叅軍賈公幹
方集場官朝請郎前試左衛兵曹叅軍李文質
常滿場官朝議郎前試秘書省校書郎元昭慶
鹽北場官文林郎前邛州大邑縣丞韓保
青鼻場官朝議郎前行抗州司士叅軍李廣成

監宗監官朝議郎行監賜紫金魚袋楊日新

分雲場官將仕郎前守絳州稷山縣主簿高峯

柳谷檢閱官承務郎試左領軍衛兵曹參軍韋馮

紫泉場官宣義郎前行河中府猗氏縣尉韋厚正

下封場官儒林郎試右威衛兵曹參軍柳翊

資國場官將仕郎試率更寺主簿崔阡

鹽池神廟新碑旣立因覩有唐昔勒豐碑偃側甚危
懼其傾仆斯爲可惜迺樹立於廟庭之右姑以紀其
歲月焉

大元至元二十七年八月二十日解鹽司副使亢澤

解鹽司判官郭榮

令蘇之純尉畢大純戊寅季冬望日同謁

祠下

此段
左行

唐書叛臣傳大歷中淫雨填河中鹽池味苦惡韓滉
判度支慮減常賦妄言池生瑞鹽王德之美祥代宗
疑不然命蔣鎮馳驛按視鎮內欲結泥故實其事表
置祠房號池曰寶應靈慶云又地理志安邑縣有鹽
池與解爲兩池大歷十二年生乳鹽賜名寶應慶靈
池以傳及此碑證之則志作慶靈者誤也舊唐書德
宗紀貞元十二年九月戶部尚書判度支裴延齡卒

碑云十一年秋九月薨未詳孰是碑爲鹽池官吏所建宜不誤矣

潛研堂金石文跋尾

碑記爲將仕郎太常博士崔敖撰將仕郎前試大理評事韋縱書新唐書宰相世系表崔氏清河小房有敖與敦敷汝敏列一格韋氏鼓城公房有縱左金吾衛兵曹參軍今碑所署卽其人記載元宗御國五十年收鹽鐵之筭置推酤之官云云舊唐書食貨志云自天寶末兵興以來河北鹽法羈繫而已暨元和中皇甫鏐奏置稅鹽院同江淮兩池權利人苦犯禁据此碑言代宗時因兵興已置推酤則鹽法非止爲羈

縻已記後載貞元九年戶部尙書裴公延齡以河中
爲會府洎十一年秋九月裴公薨今戶部侍郎蘇公
弁繼之唐時兩池置官畧備于此延齡首寵利權以
毒天下而其爲之佐者又數人本傳惟言貞元八年
遷戶部侍郎判度支凡設謀鉤距肆爲剝蝕皆已悉
書而酷鹽在河中獨不及之又八年爲戶部侍郎至
九年已歷尙書史於其轉官更失紀皆疎也新唐書
本傳同
碑稱裴公薨在貞元十一年延齡傳作十二年蓋史
誤并本傳裴延齡卒德宗聞其才特開延英面賜金
紫授度支郎中副知度支事遷戶部侍郎依前判度

支與碑所記符記前云中宗復政崇朝而復鹹大歷陰霖巨漲而不淡蔣鎮傳鹽池爲滌水所入其味多苦韓滉慮鹽戶減稅詐奏雨不壞池池生瑞鹽當時固以欺飾爲之而踵事者又勒之頌詞以長其僞然則敖之文雖贍腴固非實也

授堂金石跋

按此碑陽爲頌陰爲記頌爲崔敖撰韋縱書并篆額記爲劉宇撰書頌刻于貞元十三年八月廿日記刻于貞元十三年七月二日是記先刻矣然記內已言有崔君之頌恐其頌或有闕乃命山客重紀于碑云重紀又似記爲後出者而乃先刻之何

也鹽池靈慶公神祠在山西解州安邑縣山西通志云池神廟在鹽池內唐大歷十二年建十三年韓滉奏解池產瑞鹽請置神祠賜號曰齊應靈慶池神曰靈慶公張濯撰記貞元十三年修太常博士崔敖撰頌貞元十七年四月知解縣池陸位安邑池韋縱立池神祠頌碑崔敖撰文據此則似崔敖撰頌在十三年立碑在十七年敖又別爲撰文然此碑有頌并序而別無他文實是十三年建無十七年字通志語所未詳也韓滉奏瑞鹽卽碑所謂先皇帝薦靈慶以號神索氣氤而建廟粒重英

以表稔花四出而呈瑞据碑則建廟在前瑞鹽在
後通志語亦不合碑陰有舊宮僻在幽阻是用遷
置于斯之語則是遷建非重修也但未詳舊址所
在通志則云廟在鹽池內貞元十三年修而不言
遷建亦與碑不合碑陰云元老韓公滉之撫邦賦
以大猷之功康濟是博請加禮秩于是冊爲靈慶
公舊唐書韓滉傳大歷六年改戶部侍郎判度支
此卽搃邦賦之時也傳不載奏請封靈慶公事惟
云大歷十二年秋霖雨害稼諸縣損田三萬一千
一百九十五頃卽碑所謂大歷窮霖巨漲而不淡

也碑敘推鹽之制云皇家不賦百三十載元宗御國五十年嗣聖受命却儼狃于絕漠走昆夷于窮荒調發之費軍實不足遂收鹽鐵之算置推酤之官是推鹽始于代宗時也舊唐書食貨志開元元年十一月河中尹姜師度以安邑鹽池漸涸師度開拓疏決水道置爲鹽屯公私大收其利此卽推鹽之始矣食貨志又言自天寶末兵興以來河北鹽法羈縻而已者蓋祿山之亂河北蹂躪朝廷之法有所不行故謂之羈縻非謂直至元和中始置推酤且卽如其言則天寶已前之不羈縻亦可推

見授堂似未詳玩耳碑云泉之爲畦壘之爲門又云兩池官吏及畦戶等請立豐碑河東鹽法有畦地畦戶其名始見此碑山西通志鹽法卷內云畦地始見唐崔敖言又柳宗元言溝塍畦畹交錯輪囷宋元符四年開二千四百餘畦百官入賀池之有畦自唐宋時已然池如仰盤畦居灘際地勢南卑于北畦旁各開水爲港長與畦等汲引水上畦底如砥邊封爲埂中復留塍以段分之此治畦之法也又唐時就山海井竈之地置監院游民棄鹽者爲亭戶免雜徭此卽畦戶也碑自撰書人及碑

陰官屬姓名惟蘇弁兩唐書有傳餘俱無傳弁傳
云字元容京兆武功人裴延齡卒德宗聞其才授
度支郎中副知度支事承延齡之後以寬代煩虐
人甚稱之遷戶部侍郎判度支是在貞元十二年
九月後也

濟瀆廟北海壇祭器碑

石高四尺八寸五分廣二尺九寸十
八行行二十九字篆書在濟源縣

濟瀆廟 北海壇 二所新置祭器沉幣雙舫雜物之

銘并序 器物名數題在碣之陰也

朝散大夫行河南府濟源縣令張洸字濯纓撰

有唐六萊海內晏然偃革口口崇乎祀典封茲瀆爲清
源公建祠於泉之初源也置瀆令一員祝史一人齋郎
六人執魚鑰備灑掃其北海封爲廣澤王立壇附于水
之濱矣

天子以迎冬之日命成周內史奉祝文
宿齋毳冕七旒五章劔履玉珮爲之初獻縣尹加緒冕
六旒三章劔履玉珮爲之亞獻邑丞鑿冕加五旒無章
亦劔履玉珮爲之終獻用三牲之享

邦之大事

先在祀乎濯纓不才謬領茲邑下車入廟每事皆問主
者有云俎豆素闕弊難悉數其尤者有五北海望壇臨
事壘土朽椶一歲而費數金爲勞之甚其弊一也二所

祭器凡百有二十二事至時請於上寮轉轂入洛去來
三百餘里仍以稅紆酬之積有歲時不知窮極其弊二
也沉幣雙舫又以車取沁河渡口之舟往返之勞結綵
之飾其弊三也兩壇位席百領有餘戶至誅求爲擷非
潔其弊四也牀榻乃至七箸器用之類門到敝索事終
存亡大半其弊五也旣革前弊輒爲之銘銘曰

寤寐求思如神有知大風離披壞木於斯人吏驚馳念

茲悟茲

前年夏及今季春大風壞楹櫨數株
因用此材而爲祭器兼沉幣之舫也

爲余有意

廟中無備沉幣雙舫二壇祭器子來悅使所惜皆遂觀
者聞闕事無闕焉刻之于石以俟後賢是時也貞元十

有三季

碑陰

石高廣與前同前後十四行行字
自二十八至三十五不等正書

濟瀆 北海壇 二所新置祭器及沉幣雙舫雜器物
等一千二百九十二事

沾二 篚箱四 俎盤十 罇六 豆卅二 簋卅二

簠八 簋八 壘二 洗二 酒爵十二 杓四 燈

盞一百六十枚 沉幣 雙舫舳一 新造埽壇一

副壇席七十領 五幅惕兩口 氈四領 四尺毯子

四 浴斛一 方毯子八 蒲合廿領 丈六床兩張

八尺床一十六張

內三張細

連心床一張 四尺

床子八 繩床十

內四倚子

油漆臺盤二

一方五尺

一八尺

素一小臺盤一

八尺牙盤二

火爐床子

一 竹床子一

燈臺四

柒盆子二

竹衣櫟四

木衣櫟三

鹿木枕四

粘板二

草函一

鞍櫟一

櫃一

并鎖

門簾一

帳簾一

並紫綾線

盆子卅

牧 水罐十

長杓八

馬杓二

刷帚三

鏤一具

竹燈臺子一百六十枚

新口床席二領

碧綾線

梳二百箇

疊子五十隻

盤子五十隻

朱盤兩面

崑崙盤四面

細匙筯五十張雙

麈匙筯五十張

雙 柴杓子六 五尺單一條

舊什物 釜兩口 煮羊脚鑊一 鑊大小八口 小

鑊子一 小鑊子一 鐵二 火爐一 大盆二

筭五 中盆二 小盆子六 水罐九 食棧五 甌

三 長杓四 馬杓二 八尺床子四 四尺床子四

故食床一張 長連床一張 雜木竹歷床兩張

間簾一 鈎三 勳籠一 巾一條 廚口口 篋茶

杓子八枚 茶鍋子一并風爐全 茶碾子一 香爐

二 酒海一 殿門鎖一具 剉確一具 并頭刀

唐制附祭北海於濟源此碑記新作祭畢事碑文乃

濟源令張洗字濯纓所撰簡古有體裁一洗駢儷之
習洗與韓退之同時文體已矯傑如是

金石文字記

集古錄有此碑明都穆金鑑琳瑯亦載其文而遺其
碑陰又遺器物名數題在碣之陰也十字第一行北
海壇二所脫二所兩字假革口儒上闕一字以爲闕
二字及以沁河爲池河以俟後賢爲以待皆賴有原
刻証之碑云沾二者卽玷有云柒盒子柒杓子者柒
本漆字艸書後人又變爲正字故山海經漆本或作

柒也

中州金石記

新唐書百官志云五岳四瀆令各一人正九品上掌

祭祀有祝史三人齋郎各十三人較之碑所紀益倍其數不知何時增益爲之也或志文他有所據今亦未能詳也碑又云北海封爲廣澤王天子以迎冬之日命成周內史奉祝文宿齋云云濟原唐舊屬洛州故成周內史爲之攝祭禮儀志祭北海及濟于河南是其事也然志文不詳其儀數洗字濯纓而題云濯纓不才謬領茲邑臨文自稱其字非用謙之道也

金石錄

授堂

按濟源廟北海壇並在河南懷慶府濟源縣西北河南府志云北海之建壇說者謂濟瀆泉脉通北

海故於此建廟然檢舊唐書禮儀志云祭于洛州
新唐書禮樂志云在河南不云濟脉通北海也濟
水源流詳見達奚珣遊濟瀆記碑濟瀆之封清源
公在元宗天寶六載唐自高祖至元宗爲六世故
碑云有唐六葉也壇廟定制歲以立冬日致祭內
史爲初獻縣令亞獻邑丞終獻而供祀器具假之
洛陽自濟源南至洛陽皆須陸運碑故云轉輓入
洛去來三百餘里也壇廟祭祀官事也必假器于
鄰郡且必以稅緡酬之可見唐時制度之簡陋如
此稅紓芮切以物遺人也非假物之義若假物則

當用貫字舒制切貨也貨與假同義貫與稅聲近俗因相沿以假貨爲稅碑所稱稅緡謂以緡錢償其假物之資也稅字蓋始見此碑碑陰所載器物名亦有可資考訂者如燈盞俗名也許渾詩云小殿燈千盞而此碑已有之毯子俗名也其字見廣韻而此碑已有之衣架名見爾雅架本从木不必加木于旁故廣韻玉篇不收架字而此碑有之床竹歷俗名也釜鬲謂之歷不可施于床或者是床隔隔从鬲鬲與歷同音因謂之歷而此碑已有之蒲合廿領未詳何物廁于床毯之間疑卽蒲席禮

明堂位周以蒲筴註云蒲謂合蒲此或倒互爲蒲
合酒海見白香山詩就花枝移酒海而此碑已有
之浴斛疑卽浴斗亦卽浴盤也副壇席七十領席
當蓋切音帶玉篇云邪席也集韻云屋邪似用以
衛壇者疊子厠于枕後卽今俗名碟子疊有重累
之義碟音舌集韻云治皮也不與碗同類今俗作
碟非也惟崑崙盤其名無攷茶字作茶與爾雅合
帚字加竹見廣韻惟幣字作幣幅幔帳簾不从巾
旁而从心熏籠作勳籠又牧字四處宜作枚似皆
小訛碑無書人姓名撰者張洸兩唐書無傳碑無

歲月据金石文字記作貞元十三年

金石萃編卷一百三終